



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ V. Eadem subreptio ex alijs rationibus ostenditur.

urn:nbn:de:hbz:466:1-14268

dem loco querelas, precepti nostri autoritate excludimus.

Ecce istarum querelarum, proclamationum, clamorum, expressissimam refutationem, reiectionem & per indicatum exclusionem. Cuius ne verbo quidem mentionem fecit Albero, sed sententiam adeò solemnem reticuit.

Atque ex hisce agnoscere quiuis evidenter potest, subreptionis huius enormitatem, atque adeò impetrationis manifestam nullitatem, & quam æquum fuerit ac sit, ut talis precator carere penitus debuerit impetratis, secundum notissimos Iuris textus. *I. penult. C. Si contra Ius vel utilit public. l. 4. eodem & l. vnt. uersa. C. de diversis Rescriptis.*

s. V. Eadem subreptio ex alijs rationibus ostenditur.

SVNT & alia plures ex quo graues Considerationes, è quibus prædicta ob: & subreptio manifestatur.

Primum, quia pro fundamento proclamationis suæ, rediuiuis clamoribus allegauit Albero, Diploma prætensum Dagoberti sub litt. A. Cuius invaliditatem & innumera, quibus infectum est vitia, supra Sect. 2. copiosè enumerauimus.

Secundò, Nomine Cellæ S. Hilarij in allegatis documentis nominata, decepit Imperatorem, ac persuasit illam esse, vel olim fuisse Abbatiam & Monasterium Sancti Maximini S. Ioanni Apostolo quondam à Sancto Agritio dedicatam. Quam splendidam imposturam & figmentum, supra Sect. citatâ detectam, reiecimus.

Tertiò, persuasit expresse & sine vllâ ambiguitatis nebulâ, contineri in præfato Dagobertino, quod dicta Cella S. Hilarij pertineret ad Episcopium Treuirense. Cum tamen Dagobertus illud solum post, & secundum narrationem & relationem B. Modoaldi Archiepiscopi enunciatiæ & narratiæ non dispositiæ (vti Albero persuadebat) ut in Rescriptis simpliciter confirmatorijs moris est, protulerit, neque de eo principaliter tractauerit, neque in illius pertinencia se fundauerit, ut ex ipso textu Dagobertini appareat, & supra Sect. 2. deduximus.

Quartò, quia allegauit Albero Diploma Caroli Regis Francorum, quo aliud anterius Pipini Regis Patris sui confirmatum fuisse asserebat, pro alio fundamento; sed illud non reproducitur ab Archiepiscopis, neque eiusdem quidquam Scriptor in libello ausus fuit insérere.

Quanquam illa tam Caroli Magni, quam Pipini Diplomata allegata, vel supposititia esse, vel de alio loco, quam de Monasterio & Abbatia Sancti Maximini loqui, nimis de Cella aliqua Hilarij, vel hinc probari potest, quia habemus Originalia eiusdem Pipini Regis & Caroli Magni Imperatoris, quæ sub Numero 3. & 4. repræsentantur, quibus expresse & dispositiæ decernuntur, ut Monasterium, ubi S. Maximinus Dei præsul est Corpore sepultus, in suburbio Treuiris constructum, in honorem S. Ioannis Evangelistæ dicatum, eiusdemque Abbas, tam præsens, quam qui postillum futurus est, cum Monachis & Abbatia sub Regum mundiburdio in sœcula maneat, & nulli alijs subiecti sint vel obnoxij, exceptis Regibus.

Quintò, quia Albero, ut appetet ex Couradino Rescripto, non modò mentionem non fecit sententiæ Ottonis M. sed neque prædictorum aliorumque omnium Diplomatū & Decretorum quæ à Regibus & Imperatoribus plurimi habemus, & partim hic exhibemus, atque adeò de Maximilianorum Iuribus cantic vel verbum proferre.

Sexto,

Sexto, quia persuasit Imperatori quod Abbatia Maximiniana à B. Hildulpho de bonis Ecclesiae Treuirense fundata esset, ut in textu alterius Conradini Rescripti Spiræ dati, & in libello sub lit. V. exhibiti, legitur. Hoc autem non subsistere hac parte Sect. 4. §. i. alijtque locis, demonstratum est, & ipsem Scriptor libelli foundationem Monasterij S. Hildulpho tribuere non potest, cùm fateatur illud tempore Dagoberti Regis, & S. Modoaldi Archiepiscopi, qui saeculo integro secundum ipsiusmet calculum (in libello num. 7. & n. 12.) Hildulphum præcesserunt, iam fuisse constructum & fundatum.

Ex quibus omnibus abundè probata est sub: & obreptio præteri istius Diplomatici Conradini.

Cui accedit insuper importunitas & potentia precatoris Alberonis, qui instanti sollicitatione & persuasione, Diploma tandem extorsit potius, quam obtinuit; considera quælo clausulas sequentes.

In Diplomate Argentina dato sub lit. C. Idem Archiepiscopus rediuiuam proclamationem magnis & assiduis allegationibus in oculis Principum presentauit.

In Spirensi sub lit. V. Querelam dilecti nostri Alberonis quam sapè & multum depositus de Abbatia &c.

Item, que olim Regiā potestate (ut erat querimonia Archiepiscopi) à predicta Ecclesia est subtracta.

Item hæc. Timens itaque extremi examen Iudicij, ne propter hoc apparerem reus in conspectu Domini &c.

Itaque considerata Alberonis naturali vehementia, ingenio & potentia, quam §. i. descripsimus, meritò hic locum habeat ista sanctio, l. i. C. de petit. bonorum sublata. Sed quoniam plerumque, ita in nonnullis causis inuerecundā petentiū initiatione constringimur, ut etiam non concedenda tribuamus, nec rescripto quidem nostro aduersus formam latē legis loci aliquid relinquatur.

s. VI. Ob Ius Tertij violatum, Rescriptum illud fuisse inuolidum.

Potissima Rescripti alicuius nullitas in hoc consistit, si per illud lædatur Ius tertij, quod hic vtique grauissime laderetur.

Ius enim habet Maximiniana Abbatia arduum sanè illud & illustre, modoque omnibus inuiolabile, ut sit Imperij status, ut nullius subsit quam Imperij Imperatorisque potestati, ut nulli sit appendix vel famula, ut Ius & Iurisdictiōnem habeat immediatè sub Imperio, ut ab imperio immediatè feuda sua Regalia, temporalia teneat; eaque omnia ex contractibus foundationis, in feudationis, donationis, stipulationis, ex re iudicata ex ipsa Imperialis status naturâ, constitutione ac conditione, ad eandem Abbatiam religiosumque Conuentum inuiolabilitet spectantia.

Tanta autem eorum, ac tanti momenti Iura per vnicum aliquod Rescriptū, in quo ne verbo quidem de illis fit mentio, euerti, ab ijs auferri, in alterum transferri quis credat? Quis Imperatorem id, aut conatum, aut secundum Ius naturale vel positivum, diuinum aut humanum potuisse, nobis persuadeat?

Certe leges passim id fieri vetant, l. 7. C. de preibus Imperatori offerendis. 200 tit. C. si contra Ius vel urbit. public. l. uniuersa 7. C. de diuersis rescriptis. & idem fieri non posse, non semel altè clamat & inculcat libelli Scriptor.